

PEMBERITAHUAN PERTANYAAN

DEWAN RAKYAT, MALAYSIA

**DARIPADA : Y.B. TUAN CHUA TIAN CHANG
(BATU)**

PERTANYAAN : LISAN

TARIKH : 11.03.2015

Y.B. TUAN CHUA TIAN CHANG [BATU] minta **MENTERI KEWANGAN** menyatakan apakah sebab-sebab 1MDB enggan menggunakan dana berbilion ringgit yang disimpan di Cayman Islands. Adakah jutawan Ananda Krishnan telah bersetuju untuk memberi pinjaman. Apakah terma dan syarat pinjaman ini.

JAWAPAN

Untuk Makluman Ahli Yang Berhormat, pelaburan sebanyak USD2.318 bilion yang diuruskan oleh Cayman Monetary Authority telahpun ditebus sepenuhnya sepertimana kenyataan yang dikeluarkan oleh 1MDB pada 13

Januari 2015. Dana ini telah ditebus dalam dua tranche di mana tranche pertama dengan jumlah US\$1.215 bilion telah digunakan untuk pembayaran faedah hutang, working capital dan lain-lain komitmen yang berjadual. Melalui tranche kedua sebanyak USD1.103 bilion, jumlah tersebut masih disimpan dalam mata wang asing di BSI Bank Limited Singapore dan akan digunakan untuk memenuhi pembayaran balik beberapa pinjaman dalam mata wang asing yang dijadual untuk pembayaran tahun ini.

Setelah mengambilkira komitmen yang perlu dijelaskan pada tahun ini, adalah tidak wajar untuk 1MDB menggunakan dana tersebut untuk tujuan lain.

Berhubung dengan pinjaman yang didakwa diterima oleh 1MDB daripada jutawan Ananda Krishnan, laporan tersebut adalah tidak benar.